

Na osnovu člana 135. i 137. Zakona o visokom obrazovanju ("Službene novine Kantona Sarajevo", broj: 33/17), člana 104., 110. i 111. Statuta Univerziteta u Sarajevu i Odluke Nastavno-naučnog vijeća broj:01-4-230-2/2019 od 20.12.2019. godine, Stomatološki fakultet sa klinikama Univerziteta u Sarajevu, objavljuje

**KONKURS  
ZA IZBOR DEKANA STOMATOLOŠKOG FAKULTETA SA KLINIKAMA  
UNIVERZITETA U SARAJEVU ZA MANDATNI PERIOD 2020-2024 GODINA**

Dekan Fakulteta bira se na mandatni period od četiri (4) godine.

Kandidat za dekana treba da ispunjava uvjete u skladu sa članom 137. Zakona o visokom obrazovanju ("Službene novine Kantona Sarajevo", broj: 33/17), i to:

- da je državljanin Bosne i Hercegovine;
- da je u radnom odnosu sa punim radnim vremenom na Stomatološkom fakultetu sa klinikama Univerziteta u Sarajevu;
- da je izabran u nastavno zvanje u skladu sa članom 93. stav (2) alineja a), b) i c) Zakona o visokom obrazovanju („Službene novine Kantona Sarajevo“, broj: 33/17), (redovni profesor, vanredni profesor, docent) na Stomatološkom fakultetu sa klinikama Univerziteta u Sarajevu;
- da redovni profesor ispunjava obavezu utvrđenu u članu 94. stav (1) alineja g) Zakona o visokom obrazovanju;
- da nije osuđivan za krivično djelo ili da se protiv istog ne vodi krivični postupak;
- da nije predsjednik ili član Upravnog odbora Univerziteta u Sarajevu;
- da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa.

Uz prijavu na konkurs zainteresirani kandidati su dužni priložiti:

- Biografiju (CV) datiranu i potpisanu od strane kandidata;
- Bibliografiju datiranu i potpisanu od strane kandidata;
- Opis naučnog i stručnog rada;
- Program rada za mandatni period (štampana i elektronska forma);
- Izvod iz matične knjige rođenih;
- Uvjerenje o državljanstvu (ne starije od tri mjeseca);
- Odluku o izboru u akademsko zvanje redovnog profesora, vanrednog profesora ili docenta;
- Potvrdu da je u punom radnom odnosu na Stomatološkom fakultetu sa klinikama Univerziteta u Sarajevu;
- Ovjerenu izjavu da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
- Ovjerenu izjavu da nije predsjednik ili član Upravnog odbora Univerziteta u Sarajevu;
- Ovjerenu izjavu da uredno ispunjava obaveze utvrđene članom 94. stav (1) alineja g) Zakona o visokom obrazovanju (odnosi se samo za kandidate u naučnonastavnom zvanju redovnog profesora).

Kandidat koji bude izabran dužan je dostaviti:

- Uvjerenje da nije osuđivan za krivično djelo i da se protiv istog ne vodi krivični postupak (ne starije od tri mjeseca);
- Ovjerenu Izjavu da se na istog ne odnosi član IX. stav 1. Ustava Bosne i Hercegovine.

Tražena dokumentacija se prilaže u originalu ili ovjerenoj fotokopiji.

Konkurs je objavljen u dnevnom listu „Dnevni avaz“, na web stranici Fakulteta i web stranici Univerziteta u Sarajevu.

Konkurs ostaje otvoren *petnaest* (15) dana od dana objavljivanja.

Prijave sa potrebnom dokumentacijom se dostavljaju putem pošte (preporučeno) ili lično na protokol, na adresu:

Stomatološki fakultet sa klinikama Univerziteta u Sarajevu, Bolnička br.4, 71 000 Sarajevo sa naznakom

**„Prijava na konkurs za izbor dekana“ – „ne otvarati“**

Neotpune i neblagovremene prijave neće se uzimati u razmatranje.